

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JP „Međunarodni aerodrom Tuzla“ d.o.o.**

Broj: 01/I-365-8 /24  
G.Dubrave, 18.04. .2024.godine

Na osnovu člana 69. stav 1. tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća „Međunarodni aerodrom Tuzla“ d.o.o. direktor d o n o s i:

**O D L U K U**  
**o izboru najpovoljnijeg ponuđača**

**I**

Ponuda ponuđača **Aps Aviation parts service d.o.o. Beograd**, za ponudenu cijenu od **5.550,00 Eura** bez PDV-a (10.854,85 KM) **proglašava se najpovoljnijom**, te se imenovanom ponuđaču dodjeljuje Ugovor o nabavci invalidskih kolica za ukrcavanje i iskrcavanje putnika na električni pogon na JP „Međunarodni aerodrom Tuzla“ d.o.o.

**II**

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

**IV**

Ova Odluka stupa na snagu danom donošenja, i objavit će se na web-stranici: [www.tuzla-airport.ba](http://www.tuzla-airport.ba) u skladu sa članom 70. stav 6. Zakona o javnim nabavkama.

## *O b r a z l o ž e n j e*

U postupku javne nabavke pokrenutom Odlukom o pokretanju broj: 01/I-365/24 od 01.04.2024.godine, rok za dostavljanje ponuda bio je 12.04.2024.godine do 09:00 sati.

Na javnom otvaranju održanom dana 12.04.2024.godine u 09:30 sati u prostorijama JP „Međunarodni aerodrom Tuzla“ d.o.o., komisija imenovana Rješenjem broj: 01/I-365-1/24 od 01.04.2024. godine, konstatovala je sljedeće:

Ukupna procijenjena vrijednost predmetne nabavke je 11.000,00 KM bez PDV-a. Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Nakon izvršenog otvaranja ponuda, komisija je dana 12.04.2024. godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora je „NAJNIŽA CIJENA“.

U roku za dostavljanje ponuda pristigle su dvije ponude i to:

- 1) Ponuda broj: 01/I-365-3/24 firme **OrtoSar d.o.o. Sarajevo** u ukupnom iznosu od 11.000,00 KM bez PDV-a
- 2) Ponuda broj: 01/I-365-4/24 firme **Aps aviation parts service d.o.o. Beograd** u ukupnom iznosu od 5.550,00 EUR bez PDV-a

Ponude su blagovremeno zaprimljene i uredno zapečaćene, što je konstatovano i Zapisnikom sa otvaranja ponuda broj: 01/I-365-6/24 od 12.04.2024.godine. Komisija je pristupila otvaranju ponuda, te je konstatovala kako slijedi:

1) Ponuda ponuđača OrtoSar d.o.o. Sarajevo sadrži dokumentaciju koja je tražena tenderskom dokumentacijom. Ponuđena ukupna cijena iznosi 11.000,00 KM bez PDV-a. Komisija je na osnovu izvršenog uvid u tehničke specifikacije i prateću dokumentaciju koja je priložena kao dokaz usklađenosti utvrdila sljedeće:

- ugovorni organ je u tehničkim specifikacijama tražio da se predmetna kolica mogu koristiti na aerodromima za ukrcavanje/iskrcavanje u/iz zrakoplova putnika sa smanjenom pokretljivošću preko putničkih stepenica, a za šta se ponuđač OrtoSar d.o.o. Sarajevo izjasnio potvrdno, a na osnovu priložene tehničke deklaracije utvrđeno je da ponuđena invalidska kolica ne ispunjavaju traženi uslov, nego da se ista mogu koristiti preko avio rampi.

- tehničkim specifikacijama je traženo da pogonska baterija predmetnih invalidskih kolica bude litijumska, a za što ponuđač OrtoSar d.o.o. Sarajevo nije priložio odgovarajući dokaz iz kojeg se može utvrditi vrsta baterije.

Komisija je jednoglasno konstatovala da ponuda nije potpuna i ne ispunjava zahtjeve iz tenderske dokumentacije i kao takva je neprihvatljiva.

2) Komisija je nastavila sa evaluacijom pristiglih ponuda, te je uvidom u priloženu dokumentaciju i suštinskom provjerom sadržaja i validnosti iste konstatovala da ponuda broj 2 ponuđača **Aps aviation parts service d.o.o. Beograd** sadrži svu traženu dokumentaciju. Ponuđena ukupna cijena iznosi 5.550,00 EUR bez PDV-a. Cijena ponudu u iznosu od 5.550,00 bez PDV-a

predmetni ponuđač je iskazao u EUR, što kada se preračuna u BAM po kursu koji utvrđuje Centralna banka BiH na dan otvaranja ponude 12.04.2024. godine iznosi 10.854,85 KM.

Komisija je utvrdila da ponuda ispunjava uslove tražene tenderskom dokumentacijom i kao takva je **prihvatljiva** i ista može biti predmetom vrednovanja primjenom kriterija „NAJNIŽA CIJENA“.

Temeljem navedenih činjenica Komisija za provođenje postupka javne nabavke invalidskih kolica za ukrcavanje i iskrcavanje putnika na električni pogon na JP „Međunarodni aerodrom Tuzla“ d.o.o. jednoglasno je konstatovala da postoje uslovi za izbor najpovoljnijeg ponuđača, te je predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci dodijeli ponuđaču **Aps aviation parts service d.o.o. Beograd**, čija ukupna cijena ponude iznosi **5.550,00 Eur-a** bez PDV-a (10.854,85 KM), a u skladu sa članom članom 69. stav (1) tačka a) kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke na JP „Međunarodni aerodrom Tuzla“ d.o.o., donesena je odluka kao u dispozitivu.

**PRAVNA POUKA:** Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

**Dostavljeno:**

1 x Ponuđačima

1 x Evidencija

1 x a/a



**DIREKTOR**

**Dževad Halilčević**

